

Protocol da la radunanza generala dals 28 november 2013, a las 20.30 l'ì Cafè Sala

Tractandas

1. salüd dal president e s-chüsas
2. tscherna scrutinadurs
3. prelecziun dal protocol da la radunanza generala 2012
4. rapport annual dal president
5. rapport da la chaschiera e dals revisurs da quint
6. rapports dal schef da pista, schef da turas, delegià Traversada e Stafetta tras Sent
7. mutaziuns ed onurificaziuns
8. tschernas
9. fixar contribuziun annuala
10. program da l'on
11. chamonna Cuvel da l'iva
12. varia

1. salüd dal president e s-chüsas

A las 20.40 po il president Christian Poo salüdar a 25 commembers (inscrits illa glista da preschentscha). S-chüsats s'han il schef da pista Jon Buchli, Chasper Buchli, Andri Lansel, Cristina Gregori, Adriana Preuss, Fadri Preuss, Gian Claudio Wieser, Gian Caviezel, Andri Taverna, Rosina Taverna, Duri Vital, Maja Bischoff, Men Bischoff.

L'invid es gnü tramiss tenor statuts, uschè cha la radunanza es abla da trar decisiuns. La glista da tractandas vain approvada sainza müdamaints. Il president ingrazcha cordialmaing ad Elisabeth e Cla Sarott chi han miss a disposiziun lur cafè per quist arrandschamaint. Uschè ha quel pudü avair lö in "seis" local.

La radunanza s'adozza per ün minut da silenzi in memoria da Jacob Lansel. Cla Sarott quinta üna cuorta epìsoda in connex cun üna cuorsa da skis ch'el s'alogorda amo dal trapassà.

2. tscherna scrutinaduors

Sco dombravuschs vain nomnà ed elet Gian Fadri Lansel.

3. prelecziun dal protocol da la radunanza generala 2012

Il protocol da la radunanza generala 2012 es gnü tramiss insembel cul invid. El vain approvà cun applaus.

4. rapport annual dal president

Il president rapporta davart l'inviern passà cun vaira blera naiv e causa chi'd es restà lönch fraid è'l stat eir magari lung. El orientescha davart occurrenzas dal club d'ürant l'on scuors. Tenor el sun las cuorsas dal club l'arrandschamaint il plü important per quel. La partecipaziun a quellas cuorsas es statta vaira allegraivla 22 persunas s'han partecipadas al passlung da not a Scuol, 28 al slalom e 30 al slalom gigantesc. El ingrazcha a tuot ils voluntaris chi'ns sustegnan adüna pro arrandschamaints, quist on eir in special pro l'organisaziun da la cuorsa da FIS chi'd es gnüda organisada relativmaing a cuorta vista. Plünavant ingrazcha'l in special ad Andri Gritti chi ha organisà per l'ultima jada la Stafetta tras Sent. Nataglia Caviezel surpiglia in avegnir la coordinaziun da quist arrandschamaint, eir ad ella pertocca ün sincer grazcha fich. A tuot ils preschaints giavüscha el ün bel inviern, sainza accidaints ed el spera ad üna gronda partecipaziun als arrandschamaints dal club.

5. rapport da la chaschiera e dals revisuors da quint

Culla chascha dal club vaja bain. Il club ha pudü far ün guadogn da 1'506.45 fr. d'ürant l'on scuors e'l chapital agen importa uossa 25'251.05 fr.

Ils revisurs da quint Duri Valentin e Chasper Buchli han revis il quint. Quel vain fat bun cun dar dis-charg als organs responsabels.

Il guadogn es fich allegraivel, in special es quai d'attribuir a l'organisaziun da la cuorsa da FIS.

6. rapports dal schef da pista, schef da turas, delegià Traversada e Stafetta tras Sent

Il president ha rapportà in seis pled da president davart las cuorsas causa cha'l schef da pista nun es preschaint a la radunanza. Las cuorsas dal club han lö dal 2014 ün'eivna plü tard, causa las maestranzas bancarias.

Il schef da turas, Andri Poo ha grond plaschair da pudair comunicar chi s'haja pudü far duos bellas turas d'ürant l'inviern passà. In special ha'l plaschair chi s'ha pudü ir sül Spadla e giò da Tardanna, üna gita chi's po far be cun relaziuns idealas. Tschella gita es statta da Guarda sü vers il Spi da Cler. El spera da pudair cuntinuar eir inavant sco quist on, impustüt faja plaschair eir schi vegnan partecipants chi nu van normalmaing bler in gita.

Georg Buchli rapporta davart las Traversada. El fa eir ün cumplimaint a la suprastanza per tuot las activitats chi vegnan sportas pel mumaint. In seis rapport chi'd es quist on ün pa plü extais, resümescha'l l'istorgia da la Traversada e tira attent als statüts da quista. Fin uossa s'han partecipadas 581 personas ad üna o plüssas Traversadas, in tuot esa gnü chaminà 1292 jadas il traiget da la Traversada. Il record da partecipants da 128 s'haja raggiunt dal 2011. Quist on sun partits 97 e rivats illa Sesvenna 96 partecipants. Dal 2015 varà lö lura da Traversada da giubileum.

Andri Gritti rapporta per l'ultima jada davart la Stafetta tras Sent. El ha passantà üna saira plain surpraisas. Quistas vegnan amo üna jada nomnadas in occasiun da la radunanza. In tuot s'han partecipadas 22 squadras quist on a la stafetta, 2 squadras da surpraisa (üna cun partecipants da seis prüms scolars, üna cun be partecipants dals uffants da seis prüms scolars, chi sun uossa pro el a scoula). Pella bella sairada ingrazcha el cordialmaing, in resümond amo üna jada il program. El ingrazcha al comitè ed a Nataglia Caviezel chi surpiglia in avegnir l'organisaziun.

7. mutaziuns ed onurificaziuns

Sco novs commembers vegnan bivgnantats las seguaintas personas: Karolina Andrighetti, Natalie Schatz, Oliver Petry, Jachen Andri Schmidt, Francesco Lombardo, Niculin Riatsch, Marco Theiner, Ladina Guler e Dorota Jacobs. Ils novs commembers preschaints survegnan la medagliina da commember, a tschels vain quella lura surdat plü tard.

Sortits sun: Claudia Luppi, Martina Zanetti, Andrea Pult e Not Pult.

Jöri Felix, Artur Noggler, Ludwig Noggler, Andri Poo, Mario Rauch, Emilia Stricker e Georg Koch vegnan onurifichats sco commembers veterans cun quai ch'els fan part 25 ons al club da skis da Sent, Corina Caviezel, Duri Vital, Claudio Werro e Men Zanetti fan part 40 ons al club da skis da Sent. Els dvaintan cun quai commembers libers e nun han plü da pajar la contribuziun annuala. Ad els pertocca sinceras gratulaziuns.

8. tschernas

Quist on pon gnir fattas las tschernas la prüma jada regularmaing tenor ils novs statuts. Cun quai chi nu sun entradas ningünas demischiuns vegnan reelets l'actuar, il schef da material e'l schef da pista in globo cun applaus, e quai pella d'ürada da 2 ons. Il rest dals commembers dal comitè e'ls revisurs da quint vegnan lura eletts dal 2014.

Uschè resta il comitè precis listess sco fin qua:

president:	Christian Poo
actuar:	Mario Rauch
chaschiera:	Martina Weiss
schef da pista:	Jon Buchli
schef da turas:	Andri Poo

schef da material: Plasch Caviezel
revisurs da quint: Duri Valentin e Chasper Buchli

9. fixar contribuziun annunala

La contribuziun annuala vain fixada sün 25.- fr. per personas sainza commembranza da Swiss-Ski. Ils commembers cun commembranza da Swiss-Ski pajan 50.- fr.

10. program da l'on

Il program da l'on es gnü protramiss. Il president comunichescha amo üna correctura. La segunda cuorsa da passlung da la coppa RPN ha lö in marcurdi, als 8 schner 2014 e na sco comunichà als 2 schner 2014.

11. chamonna Cuvel da l'iva

Il president rapporta ch'el saja landervia da stipular ün contrat da dret da fabrica cul cumün vaschinal. La dürada da quist dess importar sco pro tshellas chamonnas 30 ons, eir las cundiziuns e pretaisas sun identicas als contrats surmanzunats. Il fat es necessari, impustüt cun quai chi s'ha stuvü constatar cha fin uossa nun existiva ningün contrat da dret da fabrica. La radunanza va d'accord e surdà al comitè la cumpetenzza far las trattativas necessarias.

Tenor nouva ledscha nun esa plü pussibel da far ingrondimaints, üna renovaziun dess gnir tutta in consideraziun. Singulas fotografias da la situaziun sun fingià gnüdas fattas. Ün plan da la fabrica dal 1932 / 33 stess exister tenor Cla Sarott, i nun es però cuntschaint ingio cha quel as rechatta. Pussibel esa cha da prümavaira as fetscha üna radunanza extraordinaria per pudair lura realisar tschertas lavurs da stà, ed eir per pudair lura deliberer ün credit da fabrica.

Varia

Il president ingrazcha a tuot quellas personas chi s'ingaschan pel OJ da passlung Valsot e l'OJ alpin Motta Naluns. Seraina Riatsch e Dominique Benderer survegnan ün regal da recugnuschentscha sco manadras da l'OJ da passlung d'ürant l'inviern passà, Georg Erny, Curdin Preuss e Marlies Zimmermann per lur ingaschamaint pel OJ alpin.

Il president ingrazcha a Cla Rauch per tuot l'ingaschamaint pel club in connex culla pagina d'internet. Plünavant ingrazcha el a tschels commembers dal comitè per tuot lur lavur d'ürant l'on.

Als curridurs chi fan regularmaing cuorsas, Arina Riatsch, Gian Fadri Linsel e Marco Zini giavüscha el tuot il bun pella prosma stagiun d'inviern.

Seraina Riatsch dumonda schi nu fuss da ponderar da sustgnair finanziaimaing amo daplü ad atlets dal club chi sun activs. Las contribuziuns dal club fin uossa importan 300.- fr. a la classa da sport e tuot ils cuosts da las licenzas. A regard ulteriurs imports vegna surdat l'incumbenza da decider al comitè. Important esa da resguardar cha'l guadagn nun es adüna uschè ot sco quist on.

A las 21.51 serra il president la radunanza.

L'actuar

Mario Rauch